




Privenson di Duensa na Lugaris ki ta Abriga Katxor

Pratikas di Bioseguransa pa Kresi di Katxor, Instalasons di Enbarki, Kanil, y Tratadoris

Introduson di Privenson di Duensa na instalason atravez di Rikerimentus robustu di Vasina y Bioseguransa

Previni Spozison di Duensa

1. Pergunta sobri Saudi y Isklui Animal Duenti



- Funsionarius debi pregunta sobri stadu di saudi di katxor artis di aseitason.

“Modi ki “Katxorinhu” ten xintidu ultimamenti?”

- Funsinarius debi observa animais pa sinais di duensa (tosi, spiru, nariz koridu, vomitu, diareia, letarjia). Animal ki stiver ta mostra sinais di duensa ka debi ser permitidu a entra na instalason. Es animais debi ser izaminadu pa un veterinariu artis di entra. Informa klientis di es regra.

2. Konten Duensa

- Transmison di duensa ta okori ora ki un animial infetadu o ses fluidus korpural (fezes, orina, fluidus di tosi/spiru, saliva, etc.) entra en kontaktu ku un Otu animal. Material kontaminadu pa fluidus korpural sima ropa kama, brinkedus, mons di un kuidador, ropas, sapatu, etc.) ta prizenta kel mesmu risku.
- Animal ki stiver ta mostra sinais di duensa debi ser mudadu pa un aria ku nenhun asesu a otus animal. Animal duenti debi ser rimovidu di instalson imediatamenti. Disponibliza di un segundu planu nu kazu di donu ka puder buska ses animal logu. Animal duenti debi ser izamidadu pa un veterinariu.
- Disponibliza un aria dedikadu pa izula un animal ki bira duenti. Uza ekipamentu dedikadu (tijelas, brinkedus, kama, produsut di linpeza, etc.) na aria di animal duenti. Linpa y dizinfeta es aria y ekipamentu dretu dipos ki animal sai di instalasons y artis ki kalker ekipamentu e tradu di es aria.

3. Reduzi Aprosimason y Kontaminason Kruzadu

- Manti differenti grupus di animal abrigadu separadamenti (pur izenplu, grupus di akordu ku tamanhu o temperamentu di animal). Disponibliza di arias dedikadu pa kada grupu y ekipamentu dedikadu pa kada aria di abrigo di animal.
- Enpregadus debi laba mons ku sabon y agua mornu dipos di lida ku katxor y entri manuziamentu ku kada grupus di animal.
- Linpa y dizinfeta arias di animal artis di muda otus animais differenti pa kel spasu.

Vasinas



- Vasinas e altamenti efikaz napreviniduensas na katxor ora ki risku pa spozison a duensa e omentadu dividu a prosimason. Donus di instalasons y jerentis debi diskuti rikerimentus di vasinas rekomendadu (inkluindu frikuensia) ku ses veteranus.
- Sertifika ma kalker katxor ki entra na instalason ten vasina di raiva en dia y lisensa di katxo adikuadu
- Duensas di preokupason pa katxor ta inklui: Sinomosi Adenovirus Kaninu tipus 1 y 2 Paravirus, ParaInfluenza, Bordetella, Influenza H3N8, Influenza H3N2, y Leptospirozi.

Linpeza y Dizinfeson di Rotina ta Previni Transmision di Duensa

1. Abrigus di animal, arias di brinka, brinkedus, y ekipamentu uzadu pa alimenta y pa da agua debi ser linpadu diariamenti o mas txeu si nesisariu.

2. Fezis di animal debi ser linpadu rapidamenti, dipos diskartadu di un forma ki ta previni kontaktu pa otus animal.

3. Suplimentus debi ser guardadu lonji di arias di animal o na resipientis ki podi ser fasilmenti linpadu y dizinfetadu.

4. Superfisis suju o xieu di po, madera non lakradu, y superfisis ranhadu o enferujadu e difisil pa linpa y dizinfeta y podi abriga organismu ki ta kauza duensa. Tra teias di aranha y akumulasons di po. Linpa superfisis suju. Pinta o tapa madera ranhadu o nu.



Instrusons di Linpeza y Dizinfeson

1. Tra tudu animal di aria ki sta ser linpadu y dizinfetadu. Animal debi ser mudadu pa gaiolas/arias ki dja foi linpadu y dizinfetadu.

2. Linpeza a Seku. tra fezis, kabelu, sujera, padjas, relvas, etc. di superfisis a ser linpadu y dizinfetadu .


3. Linpeza Modjadu: frega ku sabon y agua mornu dipos da tenpu pa seka.

4. Dizinfeta: Produktus di Peroxid di Hidrojeniu Aseleradu (AHP) ta parsi ser mas seguru y mas efikaz ki otus dizinfetantis (moda lexivia). Aplika kel dizinfetanti selesionadu sigindu tudu instrusons di rotulu. Presta atenson na prekausons di seguransa, tipu di superfisi, tenpu di kontaktu, diluison y armazenamentu. Ka mistura dizinfetantis diferentis.

5. Xagua y permiti aria pa seka. Arias ki ta permanesi modjadu e txeu difisil pa dizinfeta.



Previni propagason di duensa entri katxor na bu kuidadu. Iziji vasina kontra duensas kontajiozu komun, ka permiti pa animal duenti entra bus instalasons, manti grupus separadu, y linpa y dizinfeta arias y ekipamentu diaramenti.



Si bu tiver perguntas, duvidas, o mesti reporta un surtu di duensa, favor telefona pa Departamentu di Rekursus Agrikula di Massachusetts
Divizon di Saudi Animal 617-626-1795.